



平  
福  
子  
道  
用  
心  
集





一 帶了付多

董補

永平初祖學道用心集

可發菩提心事

右菩提心多名一心也龍樹祖師曰  
唯觀世間生滅無常心亦名菩提心  
然乃暫依此心可為菩提心者歟誠  
夫觀無常時吾我之心不生名利念  
不起恐怖時光之太速所以行道救



頭燃顧眄身命不牢所以精進慣  
翹足縱聞緊那迦陵讚歎之音聲  
夕風拂耳也縱見玉燭西施美妙  
之容顏朝露遮眼也已離聲色之  
繫縛自合道心理致歟往古來今  
或聞寡聞士或見少見人多墮名  
利坑永失佛道之命可哀可惜不

可不知縱有讀權實之妙典縱有傳  
顯密之教籍未拋名利未稱發心有  
云菩提心者無上正等覺心也不可  
拘名聞利養有云一念三千之觀解  
也有云一念不生法門也有云入佛  
界心也如是之輩未知菩提心猥謗  
菩提心於佛道中遠之遠矣試願吾



我名利之當心融一念三千之性相  
不證一念不生之法門否唯有貪名  
愛利之妄念更無菩提道心可取乎  
古來得道得法之聖人雖有同塵之  
方便未有名利之邪念法執尚無况  
世執乎所謂菩提心者前來所云觀  
無常心便是其一也全非狂者所指

也彼不生念三千相發心以後之妙  
行也不可狹歟唯暫忘吾我而潛修  
乃菩提心之親也所以六十二見以  
我為本也若起我見之時靜坐觀察  
今我身體內外所有以何為本乎身  
體髮膚稟於父母赤白二滴始終是  
空所以非我心意識智繫於壽命出



入ノ一息畢竟如何所以非我彼此無  
可執乎迷者執之悟者離之而計無  
我之我執不生之生不行佛道之可  
行不斷世情之可斷厭實法求妄法  
豈不錯乎

見聞正法必可修習事

右忠臣獻一言數有廻天之力佛祖

施一語莫不迴心之人自非明主無  
容忠言自非拔群無容佛語如不迴  
心者順流生死之未斷如不容忠言  
治國德政之未行矣

佛道必依行可證入事

右俗曰學乃祿在其中佛言行乃證  
在其中未嘗得聞不學而得祿者不



行而得證者縱行有信法頓漸之異  
必待行方起證焉縱學有淺深利鈍  
之科必積學方領祿矣是乃非獨王  
者之優與不優所由天運之應與不  
應歟若悲學而受祿者誰傳先王理  
亂之道若悲行而得證者誰了如來  
迷悟之法可識立行於迷中獲證於

覺前于時始知船筏之昨夢永斷藤  
地之舊見是非佛之強為所令機之  
周旋也况乎行之所招者證也自家  
之寶藏不從外來證之所使者行也  
心地蹤跡豈可迴轉然而若迴證眼  
兮顧行地者無一翳之當眼將見者  
白雲萬里若舉行足擬證階者無一



天福二年甲午  
四條院大智  
元年十月六  
百四十八年九

塵之受足將蹈者天地懸隔於是退  
步踣跳佛地矣天福二年甲午三月九日書  
用有所得心不可修佛法事

右佛法修行必稟先達之真訣不用  
私用心歟况乎佛法以有心不可得  
以無心不可得但操行心與道不符  
合身心未嘗安寧也身心未安寧身

心不安樂身心不安樂證道荆棘生  
也所謂操行與道合如何行履心不  
取捨心無名利也佛法修行不是為  
久修也如今世人佛法修行人其心  
與道遠之遠矣若人賞翫者縱知非  
道乃修行之若不恭敬讚嘆雖知是  
正道弄而不修痛哉汝等試靜心觀



察此心行為佛法耶非佛法耶可恥  
可恥聖眼所照矣夫佛法修行者尚  
不為自身况為名聞利養修之乎但  
為佛法可修之也諸佛慈悲哀愍眾  
生不為自身不為他人唯佛法之常  
也不見小虫畜類養育其子身心艱  
難經營苦辛畢竟長養於父母終無

益耶然而念字之慈悲小物尚然自  
似諸佛之念眾生諸佛之妙法不唯  
慈悲一條普現諸門其本皆然也既  
為佛字盍慣佛風乎行者不可念為  
自身而修佛法不可為名利而修佛  
法不可為得果報而修佛法不可為  
得靈驗而修佛法焉但為佛法而修



佛法乃是道也

參禪學道可求正師事

右古人云發心不正萬行空施誠哉  
此言行道可依導師之正與邪歟機  
如良材師似工匠匠縱雖為良材不得  
良工者奇麗未彰縱雖曲木若遇好  
手者妙功忽現隨師正邪有悟偽真

以之可曉但我國後昔正師未何在  
以知之然乎見言而察也如酌流而  
討源我朝古來諸師篇集書籍訓弟  
子施人夫其言是青其語未熟未到  
學地之頂何及證階之邊只傳文言  
念誦名字日夜數他寶自無半錢分  
古責在之或教人求心外之正覺或



教人願他土之往生惑亂起于此邪  
念躋于此維與良藥不教銷方作  
病之甚於服毒我朝後古與良藥之  
人如無銷藥毒之師未在是以生病  
難除老死何免皆是師之咎也全非  
機之咎也所以者何為人師者教人  
捨本逐末之令然也自解未立以前

偏專已我之心濫教他人招墮邪境  
可哀為師之者未知是邪惑弟子何  
為覺了是非乎可悲邊鄙之小邦佛  
法未弘通正師未出世若欲學無上  
之佛道遙可訪宋土之知識迫可願  
心外之活路不得正師不如不學夫  
正師者不問年老者宿唯明正法方



得正師之印證也。文字不為先，解會不為先，有格外之力量，有過節之志氣，不拘我見，不滯情識，行解相應，是乃正師也。

參禪可知事

右參禪學道者，一生大事也，不可忽。豈卒尔古人，斷臂斬指，神丹之勝蹟。

也。昔佛捨家捨國行道之遺蹤也。今人云可行易行之行，此言尤非也。太不念佛道若專事以擬行者，偃卧猶懶也。懶于一事，懶于万事，好易之人，自知非道器矣。况乎今世流布之法，此乃釋迦大師無量劫來難行苦行，然後乃得此法也。本源既爾，流派豈



可易乎好道之士莫志易行若求易  
行定不達實地必不到寶所者歟古  
人具大力量尚言難行可識佛道深  
大若佛道本自易行者古來大力量  
之士不可言難行難解也以今人比  
古人不及九牛之一毛而以此少根  
薄識絀勵力以擬難行能行猶不可

及古人之易行易解也今人之所好  
易解易行之法者其是何耶已非世  
法又非佛法未及天魔波旬之行未  
及外道二乘之行可云凡夫迷妄之  
甚歟縱雖振出離還是無窮之輪迴  
也觀其折骨碎髓亦不難乎調心操  
之事尤難長齋梵行亦不難乎調身



行之事尤難若粉骨可貴者忍之者  
役昔雖多得法之者惟少齋行者可  
貴者後古雖多悟道之者惟少是乃  
調心甚難故也聰明不為先學解不  
為先心意識不為先念想觀不為先  
向來都不用之而調身心以入佛道  
也釋迦老子云觀音入流亡所知即

之意也動靜二相了然不生即之調  
也若以聰明博解可入佛道者神秀  
上座其人也若以庸體卑賤可嫌佛  
道者曹溪高祖豈敢乎傳得佛道之  
法在聰明博解之外事於是明矣探  
而可尋願而可悉又不嫌年老老及  
又不嫌幼稚壯齡趙州者六旬餘兮



始參雖然為祖席之英雄鄭娘者十  
三歲兮夕學能又叢林之萃菽也佛  
法之威見于加與不加分子參與不  
參或教家夕習或世典舊才皆可訪  
禪門其例是多南嶽慧思者多才之人  
也尚參達磨永嘉玄覺者秀逸之士  
也已參大鑑明于法得于道可為參

師之力但參問宗師之時聞師說而  
忽同已見若同已見者不得師法也  
參師聞法之時淨身心靜眼耳唯聽  
受師法更不交餘念身心如一而如  
水瀉器若能如是方得師法也今愚  
魯之輩或記文藉或蘊先聞以同師  
說此時唯有已見古語師言未契矣



或一類已見為先而披經卷記持一  
兩語以為佛法後參明師宗匠聞法  
之時若同已見者為是若不合舊意  
者為非不知捨邪之方豈登歸正之  
道乎縱塵沙劫尚為迷者尤可哀不  
悲之乎參學可識佛道在思量分別  
卜度觀想知覺慧解之外也若在此

等之際生來常在此等之中常翫此  
等何故于今不覺佛道乎學道者不  
可用思量分別等之事常帶思量等  
以吾身而檢點於是明鑑者也其所  
入門有得法之宗匠悉之非文字法  
師之所及耳天福甲午清明日書  
修行佛法欣求出離人須參禪事



右佛法勝于諸道所以人求之如來  
在世全無二教全無二師大師釋尊  
唯以無上菩提誘引衆生而已迦葉  
傳正法眼藏以來西天二十八代唐  
土六代乃至五家諸祖猶猶相承更  
無斷絕然則梁普通中以後始自僧  
徒及至于王臣拔群者無不歸矣誠

夫所以可愛勝者可愛勝也不可如  
葉公愛龍數神丹以東諸國文字教  
網布海徧山雖徧于山無雲心雖布  
于海枯波心思者嗜之譬如撮魚自  
以執珠迷者翫之譬如截燕石以崇  
玉多墮魔坑屢損自身可哀邊鄙之  
境邪風易扇正法難通雖然神丹一



國已歸佛正法我朝高麗等佛正法  
未弘通何為何為高麗國猶聞正法  
之名我朝未掌得聞前來入唐諸師  
皆滯教綱故也雖傳佛書如志佛法  
其益是何其功終空是乃所以不知  
學道之故實也可哀後勞過一生之  
人身夫學佛道初入門時聞知識教

如教修行此時有可知事所謂法轉  
我我轉法也我能轉法之時我強法  
弱也法還轉我之時法強我弱也佛  
法後來有此兩節非正猶者未嘗知  
之非衲僧者名尚空聞若不知此故  
實者學道未辨正邪幾為分別焉今  
叅禪學道人自傳授此故實所以不



誤也餘門無矣彼求佛道之人非參  
禪不可了知真道焉

禪僧行履事

右佛祖以來直指單傳西乾四七東地  
六世不添絲毫莫破一塵衣及曹溪法  
周沙界于時如來正法眼藏盛于巨  
唐其法為體摸捺不得求覓不得見

處亡知得時起心共面目於黃梅斷  
臂腕於少室得髓髓心兮買風流設  
拜退步兮墮便宜然而於心於身無  
住無着不留不滯趙州僧問狗子還  
有佛性也無趙州云無於無字上擬  
量得麼攤滯得麼全無也真請試撒  
手且撒手看身心如何行李如何生



死如何佛法如何世法如何山河大地人畜家屋畢竟如何看來看去自然動靜二相了然不生此不生時不是頑然無人證之迷之惟多參學人且半迷始得全迷莫辭祈禱祈禱可向道修行事

右學道丈夫先須知向道之正不正

也夫釋迦調御坐菩提樹下得見明星忽然頓悟無上無道其所悟道非聲聞緣覺等之所能及佛能自悟佛傳於佛子今不斷絕其得悟者豈非佛耶所謂向道者了佛道之涯際也明佛道之樣子也佛道人人脚跟下也被道礙兮當處明了被悟礙兮當



人圓成矣。因是縱雖舉十分之會猶  
落一半之悟歟。是則向道之風流也。  
而今學道之人未辨道之通塞強好  
見驗之有不錯阿誰捨父逃逝弄寶  
鈴躡雖為長者之一子久作客作之  
賤人良有以矣。夫學道者求被道礙  
也被道礙者亡悟跡也。修行佛道者

先須信佛道信佛道者須信自己本  
在道中不迷惑不妄想不顛倒無增  
減無悞謬也。生如是信明如是道依  
而行之乃學道之本基也。為其風規  
坐斷意根令不向知解之路也是  
乃誘引初心之方便也。其後脫落于  
身心放下于迷悟第一樣子也。大凡



信自己<sub>ラ</sub>在佛道<sub>ニ</sub>之人最難得也若正  
信在道自然了大道之通塞知迷悟  
之躋由也人試坐斷意根<sub>ノ</sub>十之八九  
忽然得見道也

直下兼當事

右決擇身心自有兩般參師聞法與  
切夫坐禪矣聞法者遊化于心識坐

禪者左右<sub>ニ</sub>于行證是以入於佛道尚  
不可捨一<sub>ヲ</sub>而兼當夫<sub>ハ</sub>人皆有身心作  
必有強弱勇猛與昧劣也動也容以  
此身心直證於佛是兼當也所謂不  
迴轉後來身心但隨他證去名直下  
也名兼當也唯隨他去所以非舊見  
也唯兼當去所以非新集也



大明  
西明  
寶山  
禪寺

永平初祖學道用心集終

于時延文丁酉

延文三年十一月明治十年三月廿二日山朝後主慶院  
受菩薩戒弟子寶慶

大檀越野州太守藤原朝臣知冬

發願助緣矣

所集鴻福

上報四恩下資三有

住持永平兼寶慶比丘曇希立飯開飯

奉行比丘瑞雄維那書字比丘一書記



